

July 2018



UNIVERSITI
TEKNOLOGI
MARA

76th ISSUE

info kampus

UITM SARAWAK BULLETIN



ISSN 2232-1578



9 772232 157005

PROGRAM SEKOLAH ANGKAT STEM SK PINANG : PEMBANGUNAN KECERIAAN "MAKMAL SAINS - STEM IN ACTION"

Oleh: Hajah Hartini Haji Mahidin

Pada 15 Mei 2018, Pusat Pengajian Sains Gunaan (PPSG) UiTM Cawangan Sarawak dengan kerjasama Persatuan Science Frontiers (SFROST) dan Persatuan pelajar Kimia (CHEMIST) telah menganjurkan Program Sekolah Angkat STEM SK Pinang: Pembangunan Keceriaan "Makmal Sains-STEM In Action" di Sekolah Kebangsaan Pinang.

Bagi mempertingkatkan kualiti sesi pengajaran dan pembelajaran subjek Sains, pihak PPSG telah memberi sumbangan peralatan dan radas makmal kepada pihak sekolah. Penyerahan peralatan bilik Sains SK Pinang telah disampaikan oleh Ketua Pusat Pengajian Sains Gunaan, Dr. Mohammad Isa Mohamadina kepada Guru Besar SK Pinang, cikgu Anai Johari. Majlis ini turut dihadiri oleh para guru SK Pinang dan pensyarah serta staf PPSG.

Selesai majlis tersebut, murid-murid tahun 5 dan 6 berpeluang untuk menyertai aktiviti-aktiviti yang dikendalikan oleh STEM Rangers yang terdiri daripada pelajar-pelajar SFROST dan CHEMIST. Murid-murid sekolah ini diberi pendedahan tentang tatacara penggunaan mikroskop, kaedah pengawetan spesimen tumbuhan, penapaian buah-buahan, belajar membuat yogurt, menjalankan ujikaji kimia (warna-warna pelangi) dan sebagainya.

Penasihat projek, Puan Hajah Hartini Haji Mahidin merakamkan jutaan terima kasih kepada pihak Tabung Hal Ehwal Pelajar HEP (TaHep) UiTM Cawangan Sarawak yang membantu menyalurkan dana dan tajaan dari pihak myHarapan (Youth Trust Foundation) dibawah Projek *iM Sarawak Youth Community* yang dianggotai oleh lima pelajar Persatuan Science Frontiers.



GAMBAR; KIRI : Sesi foto Murid-murid Tahun 5 dan 6 SK Pinang bersama Guru Besar SK Pinang, KPP PPSG, Fasilitator STEM, 'STEM Rangers' UiTM Cawangan Sarawak. TENGAH: Majlis Penyerahan Peralatan dan Radas Bilik Sains oleh Dr. Mohammad Isa Mohamadina, KPP PPSG(sebelah kanan) kepada Cikgu Anai Johari, Guru Besar SK Pinang(sebelah kiri),KANAN: Guru Besar bersama para guru dan staf SK Pinang

Karnival Pendidikan Tinggi Negara (KPTN) 2018

Oleh: Faizul Bin Adenan

Pada 27 Januari 2018, Karnival Pendidikan Tinggi Negara (KPTN) 2018 telah berlangsung di Imperial Hotel Miri. Seramai dua orang wakil pegawai UiTM Sarawak Kampus Mukah telah ditugaskan dalam program ini yang dijalankan selama sehari. Encik Faizul Bin Adenan (Pegawai Psikologi) dan Encik Abg Shawn Fendi Abg Keprawi (Penolong Pengurus Ladang) telah dipertanggungjawabkan untuk bersama-sama dengan wakil pegawai dari Unit Pengambilan dan MDAB dari UiTM Shah Alam. Program ini telah mendapat sambutan hebat dan bukan sahaja dihadiri oleh pelajar-pelajar, tetapi juga ibu bapa yang ingin mendapatkan maklumat berkaitan dengan info pengajian di UiTM seluruh Malaysia.





UNIVERSITI
TEKNOLOGI
MARA

Corporate Communications and International Relations Unit

**Universiti Teknologi MARA Cawangan Sarawak
Blok Pentadbiran, Kampus Samarahan 2
Jalan Datuk Mohd Musa
94300 Kota Samarahan
Sarawak, Malaysia**

**Tel: 082 - 678 130 | Fax: 082 - 678 110
E-mail: korporat_swk@uitm.edu.my
www.sarawak.uitm.edu.my**